

Kisa k ap pase nan lekòl leta NYC

Semèn 24 me 2021

Kontni:

- [Vaksen COVID-19 pou timoun ki gen laj 12 ane pou pi piti](#)
- [Fowòm Chanselye a sou patisipasyon fanmi](#)
- [Mizajou sou egzamen Regents](#)
- [Ekspansyon manje Halal](#)
- [Rapèl pou sondaj lekòl](#)

Vaksen COVID-19 pou timoun ki gen laj 12 ane pou pi piti

Nou kontan pou nou fè w konnen tout Nouyòkè ki gen laj 12 ane pou pi piti elijib pou resevwa vaksen COVID-19 la kounye a. Si ou gen yon timoun ki gen omwen 12 zan, Depatman Sante ak Ijyèn Mantal ankouraje w pou pran yon randevou vaksinasyon pou li pi vit posib lè w ale nan vaccinefinder.nyc.gov. **Ou ka telephone tou 877-VAX-4-NYC (877-829-4692)** pou jwenn èd pou mete yon randevou nan lokal vaksinasyon vil la ap jere. Anpil lokal kounye a pa bezwen randevou.

Vaksinasyon se etap ki pi enpòtan ou ka pran pou pwoteje oumenm ak fanmi ou kont COVID-19. Li espesyalman enpòtan pou moun ki deja gen yon kondisyon sante ki ogmante risk pou maladi grav COVID-19, tankou opresyon, obezite, oswa dyabèt. Menm bagay la tou pou moun ki ap viv avèk yon moun ki gen laj 65 ane oswa plis oswa ki deja gen yon kondisyon sante ki ogmante risk pou maladi grav COVID-19. **Vaksinasyon an gratis epi li disponib pou ou kèlkeswa sitiyasyon imigrasyon an.**

Nan Etazini, vaksen Pfizer se sèl vaksen Administrasyon manje ak medikaman (Food and Drug Administration) otorize kounye a pou timoun ki gen laj 12 a 17 ane. Yo demontre vaksen Pfizer a pa gen danje epi li efikas pou pwoteje moun kont maladi grav COVID-19, entènè lopital, ak lanmò. Pitit ou a pa ka pran COVID-19 nan vaksen an.

Pou jwenn yon lokal ki ofri vaksen Pfizer a, pran yon randevou, oswa jwenn yon lokal ki pa bezwen randevou, ale nan vaccinefinder.nyc.gov. Ou kapab tou tcheke avèk founisè swen sante pitit ou a pou wè si l ap ofri vaksen Pfizer a.

Pou jwenn repons pou kesyon Moun Poze Souvan, ale nan nyc.gov/vaccinefacts.

Fowòm Chanselye a sou patisipasyon fanmi

Chanselye Meisha Porter lanse yon [tou senk borough yo sou patisipasyon fanmi](#) pou tandè kominote lekòl yo dirèkteman konsènan pi gwo priyorite yo pou pwochèn ane lekòl la. Fowòm vityèl sa yo se yon opòtinite pou fanmi, pwofesè, administratè lekòl, ak anplwaye pou fè lidèchip Depatman edikasyon konnen sa yo panse sou kalite resous ak sipò yo bezwen pandan nap avanse nan direksyon pou yon reouvèti konplè nan mwa septanm lan.

Twa fowòm ki rete yo ap fèt nan lè 6:30–8:00 p.m. nan dat sa yo:

Queens—Jedi 27 me

Brooklyn—Lendi 7 jen

Bronx—Mèkredi 9 jen

Kòman pou w enskri:

Fanmi ka enskri pou fowòm yo nan [learndoe.org/chancellor](https://www.learndoe.org/chancellor). Lè ou enskri, yo pral mande w si ou vle poze yon kesyon oswa bay yon kòmantè pandan sesyon an an sou sijè tankou sante ak sekirite, edikasyon espesyal, reouvèti lekòl pou otòn 2021, aprantisaj sosyal-emosyonèl, ak plis ankò.

Y ap tepe chak fowòm epi afiche yo nan [learndoe.org/chancellor](https://www.learndoe.org/chancellor) pou kapab gen aksè nan yo nenpòt lè. Ap gen sèvis entèpretasyon nan chak fowòm.

Mizajou sou egzamen Regents

Nou vle raple fanmi elèv lekòl segondè yo ke yo pral bay egzamen Regents Eta Nouyòk yo anpèsòn soti 17 pou 24 jen pou konpozisyon angle, anviwònman vivan, anviwònman fizik / syans latè, ak aljèb I. Yo te anile tout lòt egzamen matyè yo pou jen, ansanm avèk tout egzamen Regents out yo.

Akòz anilasyon sa yo, sèten elèv elijib pou dispans pou egzamen Regents, ki gen ladan kat egzamen yo toujou ap bay nan mwa jen yo. Lekòl pitit ou a ap kontakte ou pou pataje enfòmasyon sou dispans yo epi detèmine enterè ou genyen pou pitit oua patisipe nan egzamen Regents yo. Yo pa atann pou elèv k ap resevwa enstriksyon konplètman adistans yo pou vin lekòl pou pran Regents yo; sepandan, si yo ta renmen patisipe, yo ka ale lè y ap bay Egzamen an anpèsòn lan.

Ekspansyon manje Halal

Nou kontan anonse ke 11 lekòl anplis jwenn sètifikasyon pou sèvi repa halal pou yon total 43 lekòl nan tout vil la. Lekòl anplis sa yo ap sèvi elèv ak manm piblik la nan Spanish Harlem, Harlem, Jamaica, Jackson Heights, ak Soundview. Yon lis konplè lekòl k ap sèvi manje halal yo disponib nan schools.nyc.gov/FreeMeals.

Ekspansyon sa a reflete angajman DOE pou respekte idantite relijye tout elèv ak pou asire timoun yo ka manje bagay ki konsistan avèk bezwen dyèt yo. Yon panèl imams te revize tout meni yo. Imams te enspekte ak sètifye chak lekòl ki ofri opsyon halal yo, epi anplwaye kuizin yo te resevwa fòmasyon pou prepare manje an konfòmite avèk règ halal yo.

Inisyativ sa a te lanse an patenarya avèk New York City Council pou bay manje nan lekòl ak katye ki gen gwo demand pou manje halal.

Rapèl pou sondaj lekòl

15yèm Sondaj anyèl lekòl Vil Nouyòk la sou wout! Mwen ankouraje tout fanmi ak pwofesè nan klas 3K rive 12yèm ane ak elèv nan klas 6yèm rive 12yèm ane pou ale nan nycschoolssurvey.org avan 11 jen pou pataje opinyon w sou eksperyans ou fè nan lekòl ane sa a. Fè yo tandè vwa pou ede fè lekòl ou a yon pi bon kote pou aprann!